

ԼՂԻՄ. ԵՐԿՐԱԳՈՐԾՆԵՐԻ ԴԺՎԱՐԻՆ ԱՌՈՐՅԱՆ

Ինչպես արդեն հաղորդվել է, Լեռնային Ղարաբաղի համար անվանգիստ ամիսներին գյուղացիները հիմնականում չէին դադարեցրել աշխատանքը: Սակայն աշխատանքն ինքն այսօր նրանց ուրախություն չի բերում, քանի որ նրանք, ինչպես որ Արցախի ամբողջ հայ բնակչությունը, սրտով ու հոգով համերաշխ են գործադուլավորների պահանջների հետ: Դա, ինչպես և այս տարվա եղանակային անբարենպաստ պայմանները, չէին կարող շանդրադառնալ վերջնական արդյունքների վրա: Երաշտի պատճառով ոչնչացավ աշնանացան ցանքների մոտ 90 տոկոսը: Առ այսօր արտադրված է ընդամենը 18 հազար տոննա հացահատիկ: Համեմատության համար ասենք, որ անցած տարի Ղարաբաղի հողագործները ինքնավար մարզի համար այդ կարևոր գյուղատնտեսական մրբերից ստացել էին ավելի քան հարյուր հազար տոննա: Ազրաբային հատվածը զրկվել է որակյալ սերմացուից:

Հացահատիկային կուլտուրաների անպարեզում ստեղծված անբավարար վիճակը, անկասկած, բացասաբար անդրադարձավ ծղոտի կուտակման վրա: Այսօր ընդամենը 19,8 հազար տոննա ծղոտի պաշար կա: Ասենք, մյուս կերերի՝ բե կոշտ, բե ճյուրեղ և բե համակցված կերերի հարցում էլ

վիճակը ավելի լավ չէ:

— Սերմացու ֆոնդի պակասը լրացնելու համար մեզ օգնության ձեռք մեկնեցին Ուկրաինայի հողագործները, — Արմենպրեսի քրդապահին ասաց ԼՂԻՄ-ի ազգային նախագահի տեղակալ Վլադիմիր Զախյանը: — Երանք խոստացել են մեզ մատակարարել աշնանացան ցորենի ու գարու 8900 տոննա սերմացու: Ու պետք է ընդունել, որ Ուկրաինայի բնկերների խոսքը գործից չի տարբերվում: Այդ նույն միությունական հանրապետությունից մարզը կտանա նաև 20 հազար տոննա համակցված կեր: Սակայն արցախցի հողագործը ձեռքերը ծալած չի նստում: Մենք որոշում ենք սեփական ազգերվներ, որոնց գործադրումը բույլ կտա դուրս գալ դժվարին կացությունից: ԼՂԻՄ-ից հատուկ քրիզադներ աշխատում են Հյուսիսային Կովկասում կերի հայրաքրման համար: Մենք հույս ունենք, որ ձեռնարկվող միջոցները բույլ կտան 80—85 տոկոսով բավարարել մարզի պահանջմունքները կերի հարցում:

Այս օրերին Ռուսաստանի Ֆեդերացիայի տարբեր հասցեներով ուղարկվեց զարաբաղյան խաղող: Ծավոք, հանապարհային շրջափակման պատճառով այդ խաղողը Հայաստանը դեռ չի կարողանում

ստանալ պլանավորված քանակով: Իսկ ազրբեջանական երկարուղու ղեկավարությունը ճիշտ մարվում է սանճարան-վազոններ տրամադրել այդ նպատակի համար:

Թերևս միայն քանդարարությունը ուրախացրին այս տարի, ժամանակին գիտակցելով, որ «ընծաների» սպասելու հարկ չկա: Միայն Մարտակերտի շրջանը այսօր էլ վիճակի է սպառողներին օրական մատակարարել 40—45 տոննա սննդամթերք: Թե գյուղացիների աշխատանքը ինչքանով կկարողանա ուրախացնել քաղաքային բնակիչներին՝ ճիշտ չափ բանով կախված է... Իրավակարգի պահպանության մարմինների հստակ գործողություններից, քանի որ բոլոր վարտողները չէ, որ սիրական են նստել ավտոմեքենայի ղեկի առջև, երբ նանապարհին ցանկացած պահին կարող են հարձակում գործել անպատասխանատու անձինք: Հարկավոր է վերջ գնել ինքնավար մարզի նանապարհային շրջափակմանը: Դա պատիվ չի բերում Ազրբեջանական ԽՍՀ-ին, ոչ էլ երկրին:

Ա. ԳՐԻԳՈՐՅԱՆ

(Արմենպրեսի սեփ. թղթ.)

ԼԵՐՆԱՅԻՆ ՂԱՐԱԲԱՂԻ
ԻՆՔՆԱՎԱՐ ՄԱՐԶ